



ROMÆ.

PROFERIA III.

OFFICIUM VOTIVUM

DE SS. APOSTOLIS PETRO ET
PAULO.

SEMIDUPLEX.

Omnia de Comuni Apost. 58,
vel 76, pro diversitate temporis,
præter sequentia.

In utrisque Vesperis.

¶ Constitues eos principes
super omnem terram.

R. Mémores erunt nóm-
inis tui Dómine.

Ad Magnif. Ant. Petrus
Apóstolus, * et Paulus Do-
ctor Géntium, ipsi nos do-
cuérunt legem tuam Dñe.

Oratio.

Deus, cujus dexte-
ra beátum Pe-
trum ambulán-
tem in flúctibus,
ne mergerétur, eréxit, et
coapóstolum ejus Paulum,

tértio naufragántem, de
profundo pélagi liberávit:
exaúdi nos propítius, et
concéde; ut ambórum mé-
ritis æternitátis glóriam
consequámur: Qui vivis et
regnas.

In I. Nocturno Lectiones de
Scriptura occurrente.

In Quadragesima vero dicun-
tur sequentes Lectiones:

Incipit Epístola prima
beáti Petri Apóstoli.

Lectio i. Cap. 1.

Petrus Apóstolus Je-
su Christi, eléctis
á dvenis dispersi-
onis Ponti, Galátiae, Cappa-
dóciae, Asiae, et Bithýniæ

secúndum præsciéntiam
Dei Patris, in sanctifica-
tiónem Spíritus, in obe-
diéntiam, et aspersionem
sánguinis Jesu Christi:
Grátia vobis, et pax multi-
plicétur. Benedictus Deus
et Pater Dómini nostri
Jesu Christi, qui secún-
dum misericórdiam suam
magnam regenerávit nos
in spem vivam, per re-
surrectiónem Jesu Christi
ex mórtuis, in hæreditá-
tem incorruptibilem, et
incontaminátam, et im-
marcescibilem, conservá-
tam in cœlis in vobis, qui
in virtúte Dei custodimini
per fidem in salutem, pa-
rátam revelári in tẽpore
novíssimo.

R. Ecce ego mitto vos
sicut oves in médio lu-
pórum, dicit Dóminus: *
Estóte ergo prudéntes sic-
ut serpéntes, et simplices
sicut colúmbæ. ¶ Dum
lucem habétis, créдите in
lucem, ut filii lucis sitis.
Estóte.

Lectio ii.

In quo exsultábitis, mó-
dicum nunc si opórtet

contristári in váriis ten-
tatióibus: ut probatio
vestræ fidei multo preti-
osior auro (quod per ignem
probátur) inveniátur in
laudem, et glóriam, et ho-
nórem in revelatióne Jesu
Christi: quem cum non
vidéritis, dilígitis: in quem
nunc quoque non vidén-
tes créditis: credéntes au-
tem exsultábitis lætítia
inenarrábili, et glorificá-
ta: reportántes finem fi-
dei vestræ salutem ani-
márum.

R. Tóllite jugum meum
super vos, dicit Dóminus,
et discite a me, quia mi-
tis sum et húmilis corde:
* Jugum enim meum suáve
est, et onus meum leve.
¶ Et inveniétis réquiem
animábus vestris. Jugum.

Lectio iii.

De qua salute exquisié-
runt, atque scrutáti
sunt prophétæ, qui de
futúra in vobis grátia
prophetavérunt: scrután-
tes in quod, vel quale
tempus significáret in eis
Spíritus Christi: prænú-
tians eas quæ in Christo

sunt passiones, et posteriores glorias: quibus revelatum est quia non sibi metipsis, vobis autem ministrabant ea, quæ nunc nuntiata sunt vobis per eos, qui evangelizaverunt vobis, Spiritu sancto misso de cælo, in quem desiderant Angeli prospicere.

R. Dum steteritis ante reges et præsides, nolite cogitare quomodo aut quid loquamini: * Dabitur enim vobis in illa hora, quid loquamini. **V.** Non enim vos estis qui loquimini: sed Spiritus Patris vestri, qui loquitur in vobis. **D.**abitur enim. **Gloria Patri.** Dabitur enim.

In II. Nocturno.

Sermo sancti Leonis
Papæ.

Ex Hom. 82. in Nat. Ss. Apost.
Petri et Pauli.

Lectio iv.

Neronis furor per omnium vitiorum inflamatus excessum in hunc eum usque torrentem suæ præcipitavit insaniam, ut primus nomini christiano atroci-

tatem generalis persecutionis inferret, quasi per sanctorum Apostolorum Petri et Pauli necesse gratia Dei posset extinguere; quibus hoc ipsum erat maximum lucrum, ut contemptus vitæ hujus occidua, perceptio fieret felicitatis æternæ. Pretiosa est ergo in conspectu Domini mors sanctorum ejus: nec ullo crudelitatis genere destrui potest sacramento crucis Christi fundata religio. Non minuitur persecutionibus Ecclesia, sed augetur: et semper Dominicus ager segete ditiori vestitur, dum grana, quæ singula cadunt, multiplicata nascuntur. Unde duo ista præclara divini seminis germina in quantam sobolem germinarint, beatorum millia Martyrum protestantur, qui apostolicorum æmuli triumphorum, Urbem nostram purpuratis, et longe lateque rutilantibus populis ambiunt, et quasi ex multarum honore gemmarum conserto uno diademate coronarunt.

R. Vidi conjunctos viros, habentes splendidas vestes, et Angelus Domini locutus est ad me, dicens: * Isti sunt viri sancti facti amici Dei. **V.** Vidi Angelum Dei fortem, volentem per medium cælum, voce magna clamantem et dicentem. **Isti.**

Tempore Paschali.

R. Lux perpetua lucébit sanctis tuis Domine, * Et æternitas temporum, allelúja, allelúja. **V.** Lætítia sempiterna erit super capita eorum: gaudium et exultationem obtinebunt. **Et æternitas.**

Lectio v.

De quorum præsidio, dilectissimi, divinitus nobis ad exemplum patientiæ et confirmationem fidei præparato, universaliter quidem in omnium Sanctorum commemoratione lætandum est: sed in horum excellentia Patrum merito est excellentius gloriandum, quos gratia Dei in tantum apicem inter omnia Ecclesiæ membra provexit, ut eos in cõr-

pore, cui caput est Christus, quasi geminum constitueret lumen oculorum. De quorum meritis atque virtutibus, quæ omnem loquendi superant facultatem, nihil diversum, nihil debemus sentire discretum: quia illos et electio pares, et labor similes, et finis fecit æquales.

R. Beati estis, cum maledixerint vobis homines, et persecuti vos fuerint, et dixerint omne malum adversum vos, mentientes, propter me: * Gaudete et exultate, quoniam merces vestra copiosa est in cælis. **V.** Cum vos oderint homines, et cum separaverint vos, et exprobraverint, et ejecerint nomen vestrum tamquam malum propter Filium hominis. **Gaudete.**

Tempore Paschali.

R. Virtute magna reddebant Apostoli * Testimonium resurrectionis Jesu Christi Domini nostri, allelúja, allelúja. **V.** Repléti quidem Spiritu sancto, loquebantur cum fidu-

cia verbum Dei. Testimonium.

Lectio vi.

Sicut autem et nos experti sumus, et nostri probavere majores, credimus atque confidimus, inter omnes labores istius vitæ, ad obtinendam misericordiam Dei semper nos specialium patronorum orationibus adjuvandos: ut quantum propriis peccatis deprimumur, tantum apostolicis meritis erigamur. Per Dominum nostrum Jesum Christum, cui est cum Patre et sancto Spiritu eadem potestas, una divinitas, in sæcula sæculorum. Amen.

R. Isti sunt triumphatores et amici Dei, qui contemnentes jussa principum, meruerunt præmia æterna: * Modo coronantur, et accipiunt palmam. **V.** Isti sunt qui venerunt ex magna tribulatione, et laverunt stolas suas in sanguine Agni. **Modo. Glória Patri. Modo.**

Tempore Paschali.

R. Isti sunt agni novelli, qui annuntiaverunt,

allelúja: modo venerunt ad fontes, * Repleti sunt claritate, allelúja, allelúja.

V. In conspectu Agni amici sunt stolis albis, et palmæ in manibus eorum. **Repleti. Glória. Repleti.**

In III. Nocturno.

Lectio sancti Evangelii secundum Matthæum.

Lectio vii. Cap. 19. d.

In illo tempore: Dixit Petrus ad Jesum: Ecce nos reliquimus omnia, et secuti sumus te: quid ergo erit nobis? Et reliqua.

Homilia sancti Ambrósii Episcopi.

In Ps. 118. Serm. 8. post init.

Ecce nos omnia dereliquimus, et secuti sumus te. Hoc est, non quæsivimus quæ sæculi sunt, non quæsivimus partem de possessionibus, sed te elégimus portionem. Reliquisti ergo omnia, Petre, quæ habebas; unde habes quod habere te dicis? Surgit claudus, et sono tui sermonis erigitur: sanitatem aliis donas, qui indigebas ipse tuæ salutis auxilio. Reliquisti ergo quæ

habebas, et cepisti, quæ non habebas. Christus tibi portio, Christus tibi possessio est: illius nomen tibi munificum, illius nomen tibi est fructuosum, illius nomen tibi tributa dependit, et bona tributa, non pecuniæ, sed gratiæ.

R. Isti sunt qui viventes in carne, plantaverunt Ecclesiam sanguine suo: * Cálicem Domini biberunt, et amici Dei facti sunt. **V.** In omnem terram exivit sonus eorum, et in fines orbis terræ verba eorum. **Cálicem.**

Tempore Paschali.

R. Ego sum vitis vera, et vos palmites: * Qui manet in me, et ego in eo, hic fert fructum multum, allelúja, allelúja. **V.** Sicut dilexit me Pater, et ego dilexi vos. **Qui manet.**

Lectio viii.

Quicumque reliquerit patrem, aut matrem, aut domum, aut fratres, aut sorores, centuplum accipiet in hoc sæculo, et vitam æternam possidebit. Multos quidem in hoc sæ-

culo, qui sua pauperibus donaverunt, uberiore thesauro locupletatos fuisse cognovimus. Est pulcherrimus locus, ut etiam ad misericordiam provocentur. Sed non debent a Domino sæcularem hujusmodi exigere mercèdem, nec sperare quæ mundi sunt; sed magis, quia iis, qui omnia reliquerint, Deus portio est. Ipse est utique merces perfecta virtutum, qui non centupli enumeratione, sed perfectæ plenitudinis æstimatione censetur. Ego, inquit, Deus tuus sum. Non dixit: Ero, sed: Jam sum, jam inhabitabo, jam possideo.

R. Isti sunt viri sancti, quos elégit Dominus in caritate non ficta, et dedit illis glóriam sempiternam: * Quorum doctrina fulget Ecclesia, ut sole luna. **V.** Sancti per fidem vicierunt regna: operati sunt justitiam. **Quorum. Glória Patri. Quorum.**

Tempore Paschali.

R. Cándidi facti sunt Nazaræi ejus, allelúja: splendorem Deo dederunt,

allelúja: * Et sicut lac coaguláti sunt, allelúja, allelúja. **V.** Candidiôres nive, nitidiôres lacte, rubicundiôres ébore anti-quo, sapphíro pulchriôres.

Et. Glória Patri. Et.

Lectio ix.

Habes homo inter multa propósita, étiam hujusmodi portiônem. Propôsuit tibi Dóminus in portiône possessiônes, in portiône aurum, in portiône argéntum, in portiône honôres, in portiône nobilitátem: propôsuit étiam in portiône seip-

sum. Habes ígitur plúrimas portiônes; élige quam putas; non te númerus pertúrbet, sed éxcitet grátia; non te labor avértat, sed fructus invítet.

Te Deum laudámus.

Ad Laudes.

V. In omnem terram exívit sonus eórum. **R.** Et in fines orbis terræ verba eórum.

Ad Bened. Ant. Gloriósi príncipes terræ, * quómo-
do in vita sua dilexérunt se, ita et in morte non sunt separáti.



INDEX.

PSALMI

PLURAQUE ALIA COMMUNIA IN OFFICIIS VOTIVIS RECITANDA.

Ad Matutinum.	
Invitatorium.	pag. 5
Absolutiones et Benedictiones.	6
Hymnus Ss. Ambrosii et Augustini: Te Deum.	8
Horæ Diurnæ.	
Ad Laudes.	9
Canticum Zachariæ: Benedictus.	13
Ad Primam.	14
Ad Tertiam.	19
Ad Sextam.	22
Ad Nonam.	24
Ad Vesperas.	27
Canticum Magnificat.	29
Commemoratio de Cruce.	29
Suffragia Sanctorum.	30
Ad Completorium.	32
Antiphonæ B. M. V. Alma Redemptoris.	36
„ Ave Regina cœlorum.	37
„ Regina cœli lætare.	38
„ Salve Regina.	38
Officia votiva.	
Officium votivum de Ss. Angelis.	41
Officium votivum de Ss. Apostolis extra tempus Paschale.	58
Officium votivum de Ss. Apostolis Tempore Paschali.	76
Officium votivum de S. Joseph Sponso B. M. V. Conf. et cath. Eccl. Patr.	81
Officium votivum de Ss. Eucharistiæ Sacramento.	97
Officium votivum de Passione D. N. J. C.	130
Officium votivum de Immaculata Conceptione B. M. V.	152
Romæ. Officium votivum de Ss. Apost. Petro et Paulo.	184